



Tako mi Onog u čijoj ruci je Muhammedova duša, posuda havda ima više od zvijezda na nebu

Od Ebu Zerra, radijallahu anhu, se prenosi da je rekao: "Allahov Poslaniče, kakve su posude havda?" Poslanik odgovori: "Tako mi Onog u čijoj ruci je Muhammedova duša, posuda havda ima više od zvijezda na nebu u crnoj i vedroj noći. Ko se napije iz te posude neće više nikada ožednjati. U Havd će voda teći kroz dvije cijevi koje će dolaziti iz Dženneta, a ko se napije tom vodom neće nikada ožednjati. Dužina havda je ista kolika je njegova i širina, od Ammana do Ejle. Voda mu je bjelja od mlijeka i slađa od meda."

[صحيح] [رواه مسلم]

Allahov Poslanik, sallallahu 'alejhi ve sellem, se zaklinje da je broj posuda njegovog havda veći od broja zvijezda na nebu. To se najbolje vidi u tamnoj noći u kojoj nema mjeseca s obzirom da mjesečeva svjetlost zaklanja svjetlost zvijezda i u noći u kojoj nema oblaka koji će zastirati poglede. Ko se napije iz džennetskih posuda neće nikada više ožednjati i to će biti zadnji put da ti vjernici osjećaju žeđ. Dvije cijevi iz Dženneta ulijevaju se u havd čija je širina ista kao i njegova dužina. Dakle, havd ima srazmjernu veličinu. On je, naime, dug onoliko kolika je udaljenost između Ammana (mjesto u današnjoj pokrajini Belka u Jordanu) i Ejle (današnja Akaba, na jugu Jordana). Voda mu je bjelja od mlijeka, te ukusnija i slađa od meda.

<https://www.sunnah.global/hadeeth/bs/show/65032>

